



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

4. Dies Julii. Nisi divinæ gratiæ subveniat adjutorium nihil prodest copiosum cujuslibet adhortantis eloquium.

urn:nbn:de:hbz:466:1-45477

entium ordines, sunt in tua potestate. Quidquid tu hoc es. Utere prudenter tuâ libertate, nec velis abutere tuâ potestate. Non enim à fulco veritatis Poëta emendavit, cum hæc exaravit :

Quanta hominis libertas, est & tanta potestas.

4. DIES JULII.

Nisi divinæ gratiæ subveniat adiutorium, nihil prodest copiosum cujuslibet adhortantis eloquium. *S. Augustin. cont. Julian. lib. 2.*

Sine gratia nihil possumus.

I. **S**icuti, ut declinemus à malo, sic ut faciamus bonum, opus est Gratiâ illius, à quo procedit omne bonum. Quod est anima cor-

pori, hoc est Gratia Animæ. Illud sine anima, caret vitâ naturali : hæc sine gratia, vitâ supernaturali. Corpus vitâ destitutum, frustrâ, in ipsissimo meridie soli, dum toto radiorum apparatu circumfulget, exponis, ut oculos videndo : frustrâ, vel ex Græcia Demosthenem ; vel ex Italia Tullium evoces, ut aures audiendo : frustrâ, totius Maji è viridariis flores, aut ex Arabia feligas exquisitissima aromata, ut nares odorando : frustrâ, ex Pontificum cænis, aut Luculli mensis saliares proponas dapes, ut palatum gustando : frustrâ, cuniculi pilos, vel si quid mollius offeras, ut manus tangendo oblectet : corpus ad nullum sensus lenocinium aspirat, dum caret Animâ, quæ spirat. Sic animæ, nihil, quod est suprâ animam, ni- coeleste, nil divinum placet, & est gratum absenti gratiâ.

Julius. gratia. Circumfulgeat eam de cœlo lux, non videt; resonet dulcis illa dilecti vox, non audit; aspi-
ret bonus odor Christi, non arridat; pluat illi man-
na de cœlo, nauseat anima ejus super illo cibo. Nihil,
quod est ex Deo, animæ prodest; potius obest, ubi
gratia Dei abest.

II. Quid es cum gratia? quid sine gratia? cum ea,
conversatio tua est in cœlo; sine ea, in cœno; cum ea,
es dignitate Seraphinus; sine ea, es vilirate scarabæus;
cum ea, es, quæ solem intueris Aquila; sine ea, es, quæ
in tenebris cæcutis noctua: cum ea, in vinea Domini
portas pondus, & æstus diei; sine ea, stas totâ die o-
tiosus in foro: cum ea, curris per viam mandatorum
Dei; sine illa, (a) *sicut ostium vertitur in cardine*
suo, sic piger in lectulo: cum ea, generosus ut Sam-
son, dilaceras leonem, quasi hœdum; sine ea, dicis ut
piger ille: (b) *Leo est fortis, in medio platearum occi-*
dendus sum: cum ea, audes masculâ voce exclamare
cum illo palludato bellatore: (c) *Si consurgant ad-*
versum me castra, non timebit cor meum; sine ea, ut
meticulosus Adam, jam exutus stolâ primâ, clamas:
(d) *Timui, eò quod nudus essem*: cum ea, nutritis in
croceis, & gultas, quàm suavis sit Dominus; sine ea
computrescis ut jumentum in stercore suis: cum
ea, anima, ut Nazaræi, (e) *est candidior nive, nitidior*
lacte; sine ea, *denigrata est super carbones*. Vis
compendio illius bona; hujus mala, atque adeò u-
triusque statum? Audi Chrysologum: (f) *Quod vis,*
unde vis, quando vis, habes. Nos præter tuam gratiam
nihil habemus; per quam stamus, vivimus, movemur,

K k 2

G

(a) Prov. 26. 14. (b) Jud. 14. 6. Prov. 22. 13. (c) Ps.
26. 3. (d) Gen. 3. 10. (e) Thren. 4. 7. 8. (f) Serm. 97.

Esumus : sine qua , jacemus , deficimus , perimus .
Quantum perire times , tantum ne pereas , Gratia
ambias.

III. Nihil est tam futile , & imbecille , aut inva-
dum , quod non valeat ad tui exitium ; nisi accede-
gratiae auxilium : sine gratia , ut nihil valeas , & ut pe-
reas , sufficit vel una locusta , vel musca . Audi : (a) *Os*
locustarum , & muscarum occiderunt morsus ; suffi-
cit unius crabronis bombus ; unius fimbriae mulier-
culae strepitus , vel soleae ejus crepitus ; unius puella-
lae arridentis oculo niectus ; unius putidae foemellae
halitus : denique minima cadendi occasio , tui saepe
est perditio . Sol , fons luminis , & diei est pater ; sed
subindè patitur Ecclipsim : Luna pulchra , sed prodit
suas maculas ; astra fulgentia , sed nebulis obum-
brantur ; candidum ebur , sed vetustate nigrescit ;
speculum suo laevore clarissimum , verum halitus infi-
citur : sic anima , licet gratiae dono venusta , facile
concepit labem , accipit cladem per insidiantis do-
monis fraudem . Denique vis intueri tui ipsius linea-
menta ; ut intelligas , qualis sis sine gratia ? expende
Verba Tertulliani de Marcione , & idem de te dixeris
sine gratia peccatore : *Marcion , Schyta tetrior , Na-*
maxebio instabilior , Massagetâ inhumanior , Amazon-
ne audacior , nubilo obscurior , hyeme frigidior , gelu-
fragilior , Istro fallacior , Caucasio abruptior , Cùm igi-
tur sis talis sine gratia ; pluris aestima minimam grati-
am , quàm cujuscumque rei maximam scientiam . Ne-
enim erravit Poeta , dum dixit :

Gratia fit pluris , quàm tota scientia furis .

(a) Sap. 10. 19.

§. DIE